

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Io. Freinsheimii Commentarii in libros svperstites Q. Cvrtii Rvfi

**Freinsheim, Johann
Curtius Rufus, Quintus**

[Argentorati], [circa 1639 oder später?]

Cap. 10

urn:nbn:de:bsz:31-103771

Comm.in Curtium. lib.7. c.9. n.22. & c.10. n.1.2.4.6.7.9.10.11.

erat. unde fortassis haud ineptus prodeat sensus: par non erat Hephæstioni, quod esset lepore haud sane virili. Hephæstioni pulchra quidem species erat: sed tamen viriliter decora. Excipino non item.

7,9,22. **INTERFICI PVBERES**) Occisorum ingens fuit numerus, vt ex lemmate Diodori in alteram partem lib.17. constat. ὡς Ἀλέξανδρος δὲ συνέστειλε τὰς Σογδιανὰς καὶ πελοπονησιακάς, καὶ κατὰ τὸ φαζὶν αὐτῶν ἀπέκτεινε πλὴν δὲ δίδυμοι μὲν ἐλάδων. Vt Alexander Sogdianos perduelles armis subegerit, & plures quam 120000. interfecerit. Id enim caput ex historia Diodorea perit. Vide & Arrianum 4,1.

7,10,1. **OCTINGENTA**) Sic omnino rescribendum, pro octoginta, recte vidit Glarcanus, cui fauet etiam Arrianus 4,1,32. qui Alexandrum ex eo loco, quo mouit à Tanai inquam, ad Maracanda, non octoginta, sed mille quingenta stadia intra triduum per Sogdianam confecisse scribit. Raderus. Sic legendum primo statim intuitu cognoueram, etiam ex istis verbis *vasta solitudines*, Plin. 6,16. circum ea loca agnoscit *harenosas solitudines per CXX. M. passuum*.

7,10,2. **VOCANT INCOLÆ**) Casaubonus in lib. II. Strabon. pag. 357. affirmat Strabonem & Curtium dissentire in auctoribus huius nominis Polytime-ti: à Strabone enim Macedonibus adscribi nominis impositionem, à Curtio incolis: quod verum est; sed verum non est illos dissentire: Curtius enim non respexit tempus quod Alexandrum præcessit, sed secutum est. Incertum est enim, quo nomine vocitatus prius fuerit, postea à Græcis Polytimeus appellatus: quis enim non videt vocem esse Græcam, non barbaram? ab incolis ergo aetatem Alexandri secutis, qui plerique fuere Græci (sex enim oppida Alexander non procul ea regione condidit, infra 7,10,15. Græcis potissimum habitata) & nomen à Macedonibus fluuio inditum acceperunt, & in posteros propagarunt. Raderus.

TORRENS) Sic retinui cum pluribus, cum nihilo deterius sic legatur; quam vt est in aliis. *fertur*. *Torrentem eum*, immo aliquanto propius ad veram lectionem: quæ, ni fallor, hæc est: *fertur torrens; cum ripe &c.* ea particula creberrime sic vitur. hoc ipso cap. n. 14. *Nec exstibat humor, cum in ipso &c.*

7,10,4. **TRIGINTA NOBILISSIMI**) Hoc absque dubio prodidit etiam Diodorus lib. 17. vt ex argumento eius libri conicio. nam ipsa narratio intercidit.

7,10,6. **A TANTO REGE**) Virg. Æn. 10, 829.

*Hoc tamen infelix miseram solabere mortem,
Æneæ magni dextra cadis*

Ad quem locum multa Pontanus noster, qui hanc ipsam ex Curtio historiam adducit; & plura Ludouicus de la Cerda ex diuersis scriptoribus Græcis & Latinis, quos tute videbis. Raderus. adde supra ad 3,5,5. Simile de Turcis narrat apud Sansouin. de Turc. fol. 124. b. Spanduginus.

7,10,7. **TVM REX**) Omisi cum aliquot editionibus, quæ in aliis hic sequebantur, hæc verba; *admiratus magnitudinem animi*, quod tantum est odiosa repetitio ex num. 5.

7,10,9. **QUANDOQVE**) Forte *quandocumque*. Sebisus.

7,10,10. **PEUCOLAO**) Ab hoc duce, regio postea nomen accepit, distaque est *Peucolaois*, vt est apud Arrianum lib. 4. Raderus. Hinc ergo intelligas alium fuisse Peucolaum, qui supra 6,7,15. inter cœniuratos minatur.

7,10,11. **MENIDAS**) *Menide* apud Arrian. 4,2,1. nulla hic mentio, sed cuiusdam *Melamidae*, seu *Melanide*. Menidam Curtius supra sæpe laudat. Raderus.

7, 10, 12. *ALEXANDER*) Cognominis hic Alexandro regi fortasse ille fuit, de quo Curtius 8, 11, 10. *Duces his dati sunt Charus & Alexander, quem rex nominis, quod sibi cum eo commune esset, admonuit.* Sequitur mox de generosa eiusdem morte, quam eodem loco leges. Raderus.

7, 10, 13. *CONSTERNATIONIS AUCTORIBUS*) Defectionis principibus. Arface, Barzane, & aliis. Arrianus 4, 2, 1. *Interea ad eum venerunt Phra- taphernes Parthorum Satrapa, & Stasanor ad Arcos missus, ut Arfacem comprehenderent, quem quidem vinculum adduxerunt, & Barzanem, quem Bessus Parthis Satrapam dederat, ac nonnullos alios, qui tum temporis una cum Besso defecerant.* Raderus. Ego vereor ne fallatur Raderus, nam Curtio ut puto, de Sogdiana defectione sermo est: iterum enim atque etiam tertio defecerunt, ut ex lemmatibus Diodoreis promptum est cognoscere. Arrianus autem agit de seditione, auctore Satibarzane in Arcis concitata. Deinde nihil hic Arrianus de nece illorum, quam expresse tradit Curtius, nec enim necesse est, ut statim interfectos credamus, quos audimus captos. Sic enim hunc ipsum Alexandrum euasit Sandrocottus, postea ad amplissimum imperium prouectus. Iustin. 15, 4, 13. quem nescio quis auctor, Strabo ni fallor, prodit deinde quoties meminisset Alexandri toto corpore inhorrescere solitum.

OXVM) Magnopere falluntur apud Alciat. parerg. iuris 12, 4. Grammatici, qui flumen hoc Mesopotamiae faciunt, & interpretantur de eo vexatum Virgilii versum eclog. 1, 67.

Pars Scythiam, & rapidum Creta veniamus Oaxem.

7, 10, 14. *CONSPECTVS EST FONIS*) Plutarchus in vita cap. 107. scribit eum fontem fuisse pinguis liquoris, non gustu quicquam ab oleo differentis. Strabo autem lib. 11. refert Macedones qui in exercitu Alexandri erant, prope Ochum effodientes, olei fontem inuenisse. *Nam verisimile est, inquit, ut nitrosa quedam & aluminosa, & sulphurea & bituminosa terram persolunt, ita quoque pinguis inueniantur: raritas autem efficit admirationem.* Idem Athenaeus 2, 2. *Apud alios, inquit, sunt fontes, qui pingue nescio quid habent, veluti qui in Asia, de quo Alexander scripsit, se olei fontem inuenisse.* Tiraquel. ad Alexand. Neapol. 13, 12. Eustathius ad Dionysium, vers. 747. ex Arriano 4, 3, 6. geminos fontes profluisse tradit, aquae & olei. Proinde si verus Suabo, & alii, fallitur Thomas Bzouius, qui ante Christum natum, nullum oleo fontem fluxisse existimat. tom. 2. cap. 16. Raderus.

7, 10, 15. *MARGINIAM*) Pro Antiochia Margiana habeo, in Margiana regione, & Margiana restituo. Ortelius. Ego quidem Margiana leg. puto, sicque expressisse video Sabellicum in hac historia: sed non fat scio, an recte pro Antiochia habeatur. Curtius enim de hac Margiana loquitur, quasi tum vrbs fuerit: at Antiochia postea exstructa est, ortumque suum Alexandro debet, si recte capio Plin. 6, 16. Eam igitur Margianam puto tum fuisse caput regionis, ipsique cognominem. ita supra vrbes Hyrcaniam habuimus ad 6, 5, 22. Notabile autem est, quod lib. 11. tradit Strabo Antiochium totum eum tractum inclusisse muro stadiorum 1500.

SEX OPPIDIS) Strabo lib. 11. testatur octo vrbes in Bactriana & Sogdiana ab Alexandro conditas. Iustinus 12, 5, 13. *In Bactriana quoque Sogdianisque duodecim vrbes condidit, distribuitque his, quoscumque in exercitu seditiones habebat.* Raderus. Has etiam intelligere videtur Elian. hist. anim. 16, 3. *Deduxit eas colonias Hephæstion.* Arrian. 4, 3, 8.

7, 10, 16. *ORIGINIS OBLITA*) Gruteri discurs. in Tacit. cap. 45.

7, 11, 1. *ARIMAZES*) Strabo lib. 11. *Ferunt etiam petras eam admodum alias, atque munias, prodicione interueniente, cepisse: qualis fuit Sisimithre in Bactriana,*